

Haenhhaenh Doengzhag Gou

贵港市覃塘区蒙公镇高占小学三年级 Leiz Yaujdungh/雷晓东

De dwg doengzhag gou, hix dwg baengzyoux ndei gou. De heuh guh Lij Vwnz.

Lij Vwnz aen ndang reuxred, byoem henj lumj bwncwz, lwgda ndaemndet, bakminj mbangmbi, henz gaeubak miz aen rei ndeu, gig dwggayez.

Lij Vwnz gvansim aen ban vunzlai. Yienznaeuz de ranz liz hagdangz gig gyae, hoeng moix ngoenz cungj dwg caeuxcaeux couh daeuj daengz hagdangz baet ranz, baet gyausiz ndaej seuqsetset bae, de lij ciengzseiz daezsingj daihgya daiq

ndei hungzlingjinh caeuq yauveih, ndigah ban dou moix cou cungj ndaej mbaw “hoengzgeiz louzdoengh”.

Lij Vwnz sim lingz fwngz giuj, hagdangz dou gawjbanh bangaep vwnzva bingzbeij, de ceiq gaenx, daengx ngoenz sijsij youh vehveh, lij nyinhcaen son dou raed va, raed duzmbaj, daihgya caez doengh fwngz, gig vaiq couh dawz gyausiz cang ndaej gyaeu raixcaix lo. Veiz yaucangj byaij haeuj gyausiz ban dou, yawj daengz gwnz ciengz cang ndaej cingjingj caezcaez youh gyaugyaeu ndeindei, naj hai riunyumj, lienzlien

danhhaenh dou guh ndaej ndei, daihgya sim’angq lailai ha!

Lij Vwnz lij dwg boux boih saw daihvuengz ndaw ban dou, lauxsae iugouz boih gij govwnz, de gig vaiq couh boih ndaej lo. Lauxsae mbouj heuh boih gij govwnz haenx, de hix gag boih. De daiqlingx daihgya doeg govwnz, sing’yaem caen ndeidingq ha!

Lij Vwnz gyaez cizdi, hagsib youh ndei, daihgya cungj gyaez caeuq de guh baengzyoux.

(lauxsae son’gyauq: Cinz Cinhdonz/覃珍团)



Daxmeh, Mwngz Mbouj Wnggai Baenzneix Guh

Daxmeh, mwngz rox lwi? Youq ndaw sim gou, miz hauilai vah siengj caeuq mwngz gangj. Hoeng, baez raen mwngz le, couh gangj mbouj ok bak, lau mwngz hozndat. Ngoenzneix, mwngz mbouj hozndat ndaej mbouj ndaej, dingq gou gangj liux baenz lwi?

Gij vah neix daj daxbuz youq lajmbanj haenx gangj hwnj. Daxbuz gaenq ndaej roekcib bi lo, gaxgonq gij ndwenngoenz hojnanz haenx youq ndang de ce roengz rizloh bienqvaq gig lai, fouq da hoemz de gumz roengz gvaengzda hung de bae, gyahwnj geij cib bi neix daeuj de cungj miz bingh hohndok in, song diuz ga de byaij gig mbouj lingzbienh lo. Yienghneix, de nanz ciuqgoq swheij lo.

Raeuz cungj caj daengz gij ngoenzgyaj nanz ndaej haenx cij dauqbae lajmbanj yawj daxbuz. Daxbuz moix baez raen raeuz dauqma, cungj angq guh mbouj haep bak bae, gipmuengz dawz gij ndeigwn de bingzseiz sij mbouj ndaej gwn haenx daeuj dakdaih raeuz. Yawjraen daxbuz gij ga doengh mbouj fuengbienh haenx muengz bae muengz dauq, gou cungj roxnyinh ndaeng soemjsoemj nei, raemxda yaek doek roengzdaej bae. Daxbuz sinhoj duenh ciuhvunz le, seizneix wnggai daengz seiz ansim yietnaiq lo, hoeng de lij daengx ngoenz yousim! Couh aenvih yienghneix, daxboh gaenq caeuq mwngz daezok aeu coux daxbuz daeuj caeuq raeuz youq, ndei ciuqgoq de bouxgeq. Hoeng mwngz cungj naj ndaemndet nei, doi neix doi haenx. Daxmeh, mwngz rox lwi? Mwngz mbouj wnggai baenzneix doiq daxbuz!

Caiq doeklaeng, hix couhdwg saeh song couh gonq, engqgya hawj gou siengsim. Ngoenzde gou cuengqhag dauqma, baez haeuj dou, couh



roxnyinh mbouj doiq, mwngz caeuq daxboh naj yakyawj dangqmaz, cungj mbouj gangj coenz vah lawz, naenghdai youq gyang ranz. Neix gig noix raen bw! Gou ganjgaenj aeu rox. Yienzlaiz, daxbuz riuj huzraemx ndat seiz deng laemx lo, deng raemxndat sieng daengz lo, soengq bae yihyen gvaq. Daxboh gangj gvaq geij ngoenz aeu coux daxbuz ma ranz, hoeng mwngz youh naj yakyawj lo.

Gou dingq liux, ndaw sim caen mbouj cwxcaih. Daengz seizneix le, daxmeh mwngz lij miz lijyouz dingh mbouj ndaej cawjeiq ma? Danghnaeuz daxbuz caeuq raeuz youq, de couh mbouj yungh riuj raemxndat, hix mbouj miz gij saeh neix okdaej lo, mbouj dwg ma? Daxmeh, gizsaed gienh saeh neix daj hainduj daeuj, mwngz couh mbouj wnggai baenzneix guh!

O! Daxmeh, daxmeh dwggayez gou, mwngz bingzseiz mbouj dwg gyaez gou dangqmaz, gvansim gou dangqmaz ha? Mwngz vihmaz mbouj caemh gyaez caemh gvansim daxbuz,

Geiq Saeh Youq Funghbanhgoeng Lauxsae “Gwn Caz”

(ciep geizgonq)

Lauxsae baez cienq ndang couh raen gou lo, de vadfwngz heuh gou haeujbae. Yawj aen naj lauxsae baenzneix saep, gou caen dwg simgaenj dangqmaz. Lauxsae biengj yawj bonj cozwvwnz gou, hai bak naeuz: “Liuz Ginjyui……”



ciuqgoq daxbuz ne? Mwngz yiemz daxbuz, nanzdauh dwg de dwg boux vunz lajmbanj ndeu? Gizsaed, bouxgeq engqgya aeu raeuz bae gvansim caeuq ciuqgoq! Daxmeh, mwngz caen mbouj wnggai baenzneix guh!

Doeklaeng, gou lij siengj lwnh mwngz nyi: Haemh gonq, gou loq raen mwngz, daxboh caeuq gou doengz bae daengz yihyen coux daxbuz ma ranz. Mwngz song fwngz fuz daxbuz, fajnaj daxbuz nyaeuqnyatnyat haenx angq lumj duj vagut angj hai nei……

(Vuz Yinh raiz Veiz Yinyiz hoiz)

Gou ndwnj gaemz myaiz ndeu, gag doiq bonjfaenh naeuz: “Cozwvwnz sij mbouj doiq daez lo, dai lo dai lo……” Lauxsae cimyawj gou yaep ndeu, ciepdwk naeuz: “Bien cozwvwnz neix dwg mwngz swheij raiz lwi?” Gou aj bak couh dap naeuz: “Dangyienz dwg.” Gou

geizgvaiq lauxsae vihmaz yienghneix cam, nanzdauh de ngeiz gou cau bouxwnq? Yienghneix couh ienvuengj gou lo, bien cozwvwnz neix caen dwg gou gag raiz bw. Gou cingq siengj cwnghingz bonjfaenh, lauxsae youh hai bak lo: “Mwngz daiq bae ranz ba……” Mwhhaenx gou sim diuq haenq dangqmaz, haengjdingh dwg deng dawz bae ranz lingh raiz moq lo. “Gaij ndei di, lijbai neix mbouj miz cozyez, neix mwngz nyinhcaen di, gaij ndei le fat hawj gou, gou bang mwngz douz hawj aen youzsieng cozwvwnz doxdax, yawj aeu mbouj aeu ndaej saek aen ciengj.” Gijmaz? Coihgaij cozwvwnz, camgya cozwvwnz doxdax? Gou mbouj dingq loek ba? Gou caegyawj lauxsae baez ndeu, raen naj de unqswnh riunyumj, ndaw sim gou hix sikhaek fwjndaem sanq bae, ndit ciuq ronghsag lo.

Baezneix deng cingj bae “gwn caz” gingqyienz dwg aen gezgoj neix, caen hawj gou loeklak youh angqvau ha.

(sat)

(Liuz Gijnsui raiz Ouh Caijfangh hoiz)